

本草彙言

本草彙言卷之九

倪朱謨純字甫選集 男倪洙龍冲之氏

錢塘 沈公岐則施甫校正

一木部 喬木類

黃蘗味苦氣寒無毒氣味俱厚沉而降陰也入足太陰為

足太陽引經藥

別錄曰黃蘗出漢中山谷及永昌邵陵山東諸處蘇氏曰今取蜀中皮緊厚色深黃者為上如永昌邵陵山東者薄而色淺黃者稍次樹高數丈葉似吳茱萸又似紫椿經冬不凋外皮淺黃其裏深黃其根各檀桓結鬼如松下茯苓雷氏曰凡使削去粗皮用生蜜水浸半日晒乾用

○黃蘗濟坎降離之藥也稟至陰之氣而得清寒之性益

陰清熱仗此專功凡陰火攻冲骨蒸鬱熱小腹急疾用

此能抑陰中之火濕熱不清。膝脛疼痛。步履艱難。用此能清濕中之熱。若夫上焦之火。攻發口舌。以致舌腫口破。或齒牙浮動。咽喉腫疼。是皆虛火之上浮也。下焦之火。蓄積大腸。以致下痢赤白。後重迫痛。或小便黃赤。淋瀝渾濁。或癰閉不通。脹滿阻寒。或腳氣攻沖。嘔逆惡心。或五疳壅塞。遍身發黃。是皆濕熱之下侵也。俱用黃蘗可以治之。設或陰分之疼。酒炒方効。骨間之痛。鹽製乃神。至于濕熱不清。酒炒可也。內火燔灼。生用可也。血弱陰虛。童便拌炒可也。此隨證製度。又不可不詳慎也。此藥固能除熱益陰。然陰陽兩虛之人。病兼脾胃虛弱。或食減少。或宿食不消。傷食泄瀉。或腎虛天閤。黃蘗亦宜。

時痛或陽虛發熱津竭口乾或子宮虛冷血寒不孕或
陽道衰微精寒不嗣或血虛發熱肌膚枯燥或產後瘀
血停滯或金瘡將潰發熱或癰疽潰後發熱或血虛不
眠陰虛煩躁等證法咸忌用

○集方治陰火攻冲骨蒸鬱熱用黃柏知母懷熟地地骨

皮麥門冬北沙參白芍藥各二兩茯苓北五味白朮各

一兩分作十劑清水煎服○治濕熱下流膝脛疼痛步

履艱難用黃柏蒼朮石斛茯苓木瓜牛膝烏藥當歸各

一兩俱用鹽水拌炒防風白朮各八錢分作十劑清水

煎服○治火攻上焦舌腫口破或齒牙浮動咽喉腫疼

並治用黃柏薄荷荆芥連翹半夏陳皮防風桔梗玄參

山豆根各一兩甘草四錢分作十劑清水煎服○治口

疔臭爛用黃栢五錢銅綠三錢共為末搽之去涎愈○

治下痢赤白後重急痛晝夜無度用黃栢黃連枳殼厚

樸各一錢五分木通茯苓白芍各一錢甘草大黃各八

分清水煎服○治小便淋瀝不通或成白濁用黃栢車

前子白芍藥各二錢甘草澤瀉各一錢瞿麥木通各三

錢水二大碗煎七分加白菓肉三十箇取汁沖入和服

○治脚氣攻冲嘔逆寒熱用黃栢蒼朮厚樸川獨活青

皮牛膝木瓜柴胡茯苓各一錢清水煎服○治五疔遍

體發黃用黃栢秦艽各二錢茵陳五錢生薑五片水煎

服。

厚樸味苦辛氣溫性燥氣味俱厚陽中之陰降也入足太

陰手足陽明經

陶隱居曰厚樸出交趾宛句及陝西洛陽江淮湖南蜀
川山谷中今滑氏也以延平宜都及梓州龍州者為最
木高三四丈徑一二尺木皮鱗紋葉似桐葉四季不凋
李氏曰五六月間紅花紅色結實如冬青子生青熟赤
有細核嚼之味甘美寇氏曰采樸以肉厚色紫多潤者
入藥最良今伊陽縣及商州亦有肉薄而極色淡白不
紫者不與用雷氏曰修治刮去粗皮每一斤用生薑
四兩搗碎煎液方入藥如不製則棘人疾舌。

○厚樸寬中化滯平胃氣之藥也凡氣滯于中鬱而不散

食積于胃羈而不行或濕鬱積而不去濕痰聚而不清

用厚樸之溫可以燥濕辛可以清痰苦可以下氣也故

前古主中風傷寒頭痛寒熱嘔逆瀉利蟲積痞積或肺

氣脹滿痰涎喘嗽或胃氣壅滯水穀不行用此消食化

痰去濕散脹平土金二藏以致于中和也時人有云厚
樸益氣厚腸胃者蓋亦指邪氣去正氣自益之謂積滯
消腸胃自厚之意耳非消導之外復有補益之功也用
者詳之

繆仲醇先生曰厚樸氣味辛溫性復大燥其功長于泄
結散滿去濕逐飲溫暖脾胃凡一切飲食停積氣壅暴
脹與夫冷氣逆氣腸鳴虛吼痰飲吐沫胃冷嘔逆腹痛
泄瀉及元氣壯實之人偶感風寒寒熱飽脹氣實之人
悞服參耆致成喘滿以上諸證誠爲要藥然而性專消
導散而不收畧無補益之功實有消導之勢故凡嘔吐
不因寒痰冷積而由于胃虛火氣炎上者腹痛因于血

虛脾陰不足而非停滯所致者。泄瀉因于火熱暴注而非積寒傷冷者。腹滿因于中氣不足氣不歸元而非氣實壅滯者。中風由于陰虛火炎猝致僵仆而非西北真中寒邪者。傷寒發熱頭疼而無痞塞脹滿之候者。小兒吐瀉乳食發熱神昏將成慢驚者。大人氣虛血槁見發廂證者。老人脾虛不能運化。偶有停積者。產後血虛腹痛產後氣虛作喘產後吐逆泄瀉者。以上諸證。法所咸忌。世人不究其原。一槩濫用。雖或一時未見其害。而清純之氣。默爲之傷耗矣。可不慎哉。

沈孔庭先生曰。厚樸辛苦溫燥。入脾胃二經。散滯調中。推爲首劑。然配他藥。

用則泄

實滿故大柴胡湯用之與陳皮蒼朮同用則除濕滿故
平胃散用之與人參白朮麥蘖同用則治虛滿故調中
湯用之又同半夏膽星能燥濕滯痰同甘草白朮能和
中健胃同枳殼萊菔子能下氣寬腸同紫蘇前胡能發
散風寒同山查枳實能疎氣消食同吳茱肉桂能行濕
燥陰實有理氣行氣之功但氣之盛者用無不驗氣之
弱者宜少與之

○集方治氣滯中焦鬱而不散或成脹滿痞痛用厚樸一
錢五分木香一錢陳皮白朮各二錢製半夏茯苓各一
錢二分甘草七分水煎服○治食積胃脘羈而不行致
成脹悶痞結用厚樸一錢五分草萊仁砂仁各三錢經

麴枳實白朮各二錢山查肉茯苓各一錢二分甘草五
 分加生薑三片大棗四枚水煎服○治濕鬱成脹川厚
 樸一錢五分蒼朮陳皮各二錢甘草五分防風澤瀉各
 一錢加生薑五片水煎服○治濕痰成飽或嘔吐用厚
 樸一錢五分蒼朮製半夏各二錢陳皮茯苓白芥子各
 一錢加生薑三片黑棗二箇水煎服○治中風心膈飽
 脹飲食不入用厚樸一錢五分製半夏秦艽防風膽星
 白朮茯苓各一錢二分水煎服○治傷寒頭痛寒熱不
 清用厚樸柴胡黃芩製半夏各一錢甘草五分加生薑
 三片水煎服有食加枳實山查各二錢嘔逆瀉利加菴
 香木香黃連薑水炒各八分○治蟲積用厚樸檳榔各

二錢烏梅二箇水煎服或蟲積甚加使君子肉二十箇
去殼研成末配前藥共爲細末餬糖丸彈子大每早晚
各服一丸燈心湯下○治全勿痞積年久不愈用厚樸薑水
炒晒乾於白朮土拌炒枳實麩拌炒三稜莪朮紅麴俱
酒拌炒各一兩作丸每食前服三錢米湯下○治小風濕
寒邪肺氣脹滿痰涎喘嗽用厚樸一錢五分陳皮製半
夏杏仁桔梗枳殼桑皮各一錢二分蘇子白芥子茯苓
各一錢甘草七分生薑三片水煎服○治小胃氣壅滯水
穀不行用厚樸一錢五分紅麴猪苓麥芽穀芽俱酒炒
各三錢甘草七分生薑三片水煎服

杜仲味辛甘。氣平。無毒。氣味俱薄。沉而降。陽中陰也。入

少陰。兼入足厥陰經。乃肝經氣分之藥。

別錄曰。杜仲。生上虞山谷。及上黨。漢中。上虞在豫州。虞
號之虞。非會稽之上虞也。今出建平。宜都。而韓氏。蘇氏
又言出商州。成州。峽州。諸山大谷中。樹高數丈。葉似辛
夷。又類柘葉。嫩葉初生。可食。謂之棉芽花。木皮狀似厚
撲。折之。白絲相連。江南亦呼曰棉花。實皆苦澀。亦堪入
藥。木又可作履。以益脚也。雷氏曰。修治。削去粗皮。每一
觔。用蜜四兩。和塗
火炙黃。以透為度。

○杜仲。達下焦。補肝腎。壯腰膝之藥也。蓋肝主筋。腎主骨。

肝充則筋強。腎充則骨健。屈伸利用。故前古主堅筋骨。

除痿痺。定腰膝痛。并肝藏風濕成虛。脊背強直。俯仰不

利。屈伸不便。及小便餘瀝。陰汗濕癢者。宜加用之。故方

氏直指云。凡下焦之虛。非杜仲不補。下焦之濕。非杜仲

不利腰膝之疼。非杜仲不除。足脛之痠。非杜仲不去。然
色紫而燥。質綿而韌。氣溫而補。補肝益腎。誠爲要劑。如
肝腎陽虛。而有風濕病者。以鹽酒浸炙。爲効甚捷。如肝
腎陰虛。而無風濕病。乃因精乏髓枯。血燥液乾。而成痿
痺。成僂。俛。以致俛仰屈伸不用者。又忌用之。

盧不遠先生曰。杜仲從土從中。其色褐。爲土尅水象。腎
之用藥也。腰本腎府。濕土爲害。必侵腎水。而腰先受之。
據名據色。可以療也。若象形如絡如綿。能使筋骨相着。
又一義矣。

○集方。治肝腎兩虛。筋骨不相榮養。以致腰脊痠疼。足膝
無力。將成痿蹙者。用川杜仲八兩。切片。鹽酒浸一日。晒

乾炒焦。以牛膝、枸杞子、川續斷、山萸肉、兔絲子、玉竹、黃
 柏、當歸身俱酒洗炒。各四兩。懷熟地酒煮爛。搗膏為丸。
 梧桐子大。每早服五錢。白湯下。○治九氏方小便餘瀝。陰下濕
 癢。用川杜仲四兩。小茴香二兩。俱鹽酒浸炒。車前子一
 兩五錢。山茱萸肉三兩。俱炒。共為末。煉蜜丸。梧桐子大。
 每早服五錢。白湯下。○治楊氏簡便方頻年墮胎。用川杜仲、川續斷
 各五兩。切片。鹽酒浸一宿。炒燥為末。煉蜜丸。梧桐子大。
 每早服五錢。人參湯下。○治勝金方產後諸疾。及胎藏不安。用
 川杜仲四兩。鹽酒醋總和浸一日。炒磨為末。紅棗煮爛。
 去皮核。取肉為丸。搗勻。丸如梧桐子大。每早服五錢。人
 參湯下。

黃櫨木。味苦。氣寒。無毒。

陳氏曰。黃櫨。生商洛山谷。及獨露地。界亦有之。葉圓木黃。可作染黃色。

○黃櫨木。解酒疸。除煩熱之藥也。苦寒涼血。故瀕湖方煮

汁。治大風癩疾。及湯火漆瘡。如入療疽除熱方劑。又當

作飲服之。更便也。

椿 樗 氣味詳後

李氏曰椿樗二木南北皆有形餘或葉大抵相類二種也今據蘇冠雨氏之說細辨之各有異焉椿木體幹大而修長皮赤葉香味甘氣溫質實無花子性澁有毒升發之用也樗木體幹小而迂矮皮白葉臭味苦氣寒質疎有花子性利無毒沉降之用也以朱觀之二物其不同者如此本草諸書分析尚未明確今辨別二種之異以俟博物君子再行查驗何如耳

○香椿殺虻蟲解蠱毒止疰痢之藥也陳氏方云此藥甘

香溫澁而燥甘香能驟發新邪謂發癩疥風癢及澁燥

能收欬陳氣謂除虻蟲蠱毒疰痢故孟氏方治婦人血崩

或產後血行不止并平常月信來多及赤白帶下取椿

根煎汁服即止則知性之止澁可知矣

前賢孟氏曰椿芽甘香而美膳夫入諸蔬菜肉食中大

能省胃氣。然多食亦動風發熱。出瘡疥。昏神氣發痼疾。
○樗木根葉。主治相同。惟止痢疾。其功與罌粟殼。訶子肉。
相等。較其止溢治痢之功。更有倍于樗木根葉之力也。
前賢寇氏曰。洛陽一人。年四十餘。素縱酒無度。更嗜燔
炙魚蟹雞鴨肥味。日久忽患瀉痢。日夜二三十次。稀糞
挾膿血而下。大便連肛門。疼極不堪忍。一醫用止痢藥。
不效。一醫以腸風藥。勢益甚。蓋腸風則有血無膿。如此
半載。氣血漸虧。食減肌瘦。服熱藥則腹愈痛。膿血愈下。
服寒藥則注瀉。飲食不進。如此期年。臥牀待盡。一人教
服樗皮散。其方。治大腸風虛。酒食過度。挾熱下痢。膿血
痛甚。多日不癒。用樗根白皮。一兩。川黃連。五錢。俱炒。黃
其爲末。每服二錢。入參湯調下。半月愈。

乾漆味辛氣溫有微毒氣味俱厚降也陽中陰也通行腸

胃入厥陰肝經。

李氏曰乾漆出漢中。金州。梁州者最善。益州。廣州。浙江亦有。次之。木高數丈。幹如持葉如椿。花如槐。實如牛奈子。木心色黃。夏至後刻取坎限。以竹管承之。滴汁即成漆也。漢中。金州者色黝黑。廣浙者色稍黃。入藥以色黑自然乾者狀如蜂房。孔孔間隔。但性急易燥。熱則難乾。天寒陰雨亦易燥。濕者不堪入藥。修治取乾者搗碎微炒熟。不爾損人腸胃。若沾人肉及衣。以油塗之。再以肥皂擦之。熱湯洗即去跡。凡驗以稀者為好。市家以桐油攪入亂真。試訣云。微扇光如鏡。懸高急似絲。撼成琥珀色。打着有浮漚。相感志云。漆得蟹而化成水。蓋物性相制然也。如候中其毒以鐵漿或黃蘗木湯或豆湯或蟹湯並可。

○乾漆化瘀血消蟲積。斷尸勞之藥也。別錄方主婦人經

脉不通。疝瘕癥結。心痛胃疼。或小腹奔豚。腸胃蟲積。或

傳尸風勞。蟲勞。并大風癩疾。目爛鼻崩。手足拳攣。指節

本草通串 卷之七 乾漆

開裂形容惡變宜製熟服之。然性燥有毒。瘀血得之卽化成水。其消鑠之力可知。凡經閉不通等證。由于血虛而非瘀血結塊阻塞者。切勿輕餌。

李瀛湖先生曰。漆之爲物。性毒而殺蟲。氣烈而行血。質堅而攻癥積。所主諸病雖多。總不外此三者而已。

王太和先生曰。漆性燥燥而烈。急而有毒。治竹木皮革什用之物。能堅固不壞。續金石。補漏孔。絕無罅隙。因質沾凝而體堅也。着生物。血肉皮毛之處。受之無不腐爛。入腸胃筋骨之間。潰敗生靈。不可收藥。因氣悍劣而性有毒也。何前古本草主補中。續筋骨。填腦髓。久服輕身。耐老成仙之說。此荒謬不稽之言。愚者信而服餌。死不

旋踵後世好_也之徒遂為附會其說云。血者有形之物也。形質受病。惟辛溫散結者可入血分而消之。乾漆是也。瘀血消。則中藏自補。筋骨自續。而腦髓自充矣。瘀血消。則骨蒸自退。蟲勞自除。咳嗽自止矣。噫。斯言一出。明者相機而用。秦効千萬中之一。庸或有之。倘麤工鹵莽。信手投用。貽害生靈。天札之禍。寧有量哉。不仁之端。莫大于此。特采而錄之以昭後世云。

○集方治婦人血氣不和。不曾生長。將行經腹中耕痛。不可忍。及丈夫疝氣。奔豚。或下腸弦急。腰痛者。用濕漆一兩。熬一食頃。入乾漆末一兩。和丸。梧桐子大。每服六七丸。溫酒下。○治婦人經閉不來。繞膝攢痛。寒熱往來。或

諸癥瘕等病。此藥削年深堅急之積滯。破日久凝結之
 瘀血。用乾漆一兩打碎。炒烟盡。川牛膝二兩炒。共為末。
 以生地黃熬稠膏。和為丸。如梧桐子大。每服十九。空心
 溫酒送下。藥完漸消。當以六君子湯加薑棗。日服一劑。
 ○治心胃疼不止。用乾漆炒烟盡。玄胡索酒洗炒。各二
 錢。研為末。每服五分。醋湯送下。○治腸胃諸蟲攻痛時
 有蟲下者。用乾漆炒烟盡為末。每服三分。烏梅三個。花
 椒二錢。泡湯調服。○治傳尸風勞。蟲勞。用乾漆一兩醋
 洗炒烟盡為末。每空心服三分。麥門冬湯調服。○治大
 風癩疾。毫毛脫盡。或甚至目爛鼻崩。手足皴裂。痛節
 裂。形容惡變。用乾漆為末。一兩和活蟻二兩。同炒。研

皂角刺四兩、胡麻子、去殼六兩、俱炒燥為末、總和勻、紅

地打糊為丸、如黍米大、每服三錢、白湯侵晨送下、

○續補方、治聖濟總錄喉痺欲絕、不可針藥者、用乾漆燒烟、以筆管

吸之、○治小兒蟲病危惡、與癩相似者、用乾漆搗炒烟

盡、白蕪荑各等分、為末、米湯調服一宗、○治醫氏家傳紫雲風、用

乾漆一兩、炒烟盡、生地黄半枝、蓮胡麻、荆芥各五錢、何

首烏、天門冬、苦參各六錢、分作十劑、清水煎服、○治神效五

勞、虛極、羸瘦、腹滿、不能飲食、內有乾血、肌膚甲錯者、用

乾漆一兩、炒烟盡、麝香十箇、去足、焙燥、共為細末、大黃

一兩、酒煮半日、搗骨為丸、如黍米大、每服十丸、白湯送

下、

海桐皮。味苦辛。氣平。無毒。氣薄。味厚。陰中陽也。人足太陰。

陽明經。

蘇氏曰。海桐皮。生南海及雷州。凡近海州郡。多有之。葉大如手掌。有三尖。皮若梓皮。白而堅韌。可作繩。入水不爛。又一種刺桐。生山谷中。文理細緊。而性喜折裂。體有巨刺。如櫛樹其實如楓。又一種類桐皮。青葉圓大而長。高三四丈。開花紅色。成朶而繁。為夏秋奇觀。

○海桐皮。行經絡。去血分風濕之藥也。別錄云。山桐方主赤白痢

疾。延綿日久。或風眼腫赤。暴發流行。又主血脉頑痺。臂

膊痠疼。腰脚攻痛。動履不遂。凡風癩痿痺之疾。特需用

之。如痢疾。赤眼。痺癢。諸證。非關風濕者。不宜用。

○集方。內府禁方治久痢赤白。止作不休。用海桐皮一兩。切碎。酒洗

微炒。水煎服。○治時行赤毒眼疾。合家傳染者。用海桐

皮一兩。切碎。鹽水洗。微炒。用滾湯泡。待溫。洗眼。去赤。止
痛消腫。①治風毒攻走筋脉。臂膊痠疼。腿足麻痛。將成
痿蹙者。用海桐皮二兩。切碎。川芎。羌活。五加皮。枸杞子。
各二兩。牛膝。木瓜。各三兩。懷生地。六兩。俱入鍋內。炒去
水氣。以麻布袋盛。入無灰酒三斗。磁瓶內浸之。春。夏。
一。秋。三。冬。四日。將藥酒瓶入鍋內。隔湯煮二時許。取出
渣。每早午晚。隨量飲。常令醺醺。忌燒酒。雞。鵝。羊。狗。肉。并
海味糟物。

棟實味苦氣寒有小毒氣薄味厚陰也降也入足陽明手

足太陰經。

別錄曰棟實生荆山山谷及蜀今所在亦有之惟蜀者勝故時人稱為川棟子李氏曰木高數丈生長甚速三五五年即可作條葉密如槐而稍長三四月開花紅紫色芬芳滿庭實如彈丸生青熟黃葉性滑利可流衣練白蛟龍畏之故時俗以糯米用棟葉裹粽投江中祭屈原蛟龍不敢食也蘇氏曰棟樹有雌雄兩種雄者不結子根赤有毒服之令吐不止時有一吐竟欲死者雌者結子根白微有毒入藥用根用實當川雌者雷氏曰凡采得晒乾用時以酒拌蒸熟待皮軟刮去皮取肉并核搗碎用

○棟實散熱結導小腸膀胱之氣之藥也故前古主傷寒

溫疫大熱煩狂疝瘕攻心脹痛及小腸水道不通小腹

急疾諸證經曰冬傷于寒春必病溫其主傷寒大熱溫

疫煩狂者總因寒邪鬱久至春變為溫病邪在陽明也

苦寒能散陽明之邪熱。則濕痰煩狂自除矣。又膀胱爲州都之官。小腸爲受盛之官。二經膈氣化之令。而使之出。今痲疝攻築。則氣閉而小便不利。苦寒能散其邪熱。熱散氣通。則水道利矣。此劑但苦寒行散之物。以上諸證。非內熱氣結者。勿用。如脾胃虛寒之人。亦勿用。

○集方治熱厥心痛乍痛乍止身熱足寒用川棟實去皮

玄胡索各一兩俱醋炒爲末每服三錢白湯下○治一

切偏墜疝氣痛不可忍或鈎腎等疝用川棟子肉五兩分作五分一分用補骨脂五錢同炒一分用小茴香三錢食鹽二錢同炒一分用班荇七枚去頭尾同炒一分用吳茱萸二錢同炒一分用牽牛子三錢同炒炒完攪

去食鹽吳茱萸班蝥只留補骨脂茴香同研為末以紅

麩打糊為丸如梧桐子大每服百丸空心白湯下○治

嬰兒冷疝氣痛脾囊浮腫用川楝子去皮核五錢吳茱

萸二錢五分俱微炒共為末每服五分白湯調下

○楝根皮味苦氣寒微毒色赤者有大毒勿用色白者無毒可用去蟲殺疥之藥也

洪氏方治小兒消渴有蟲用楝根白皮一握切碎水二

碗煎一碗空心飲之雖困頓不妨下蟲如虻而紅色其

渴自止小兒消渴病係有蟲人所不識也

○集方治小兒腹中有蟲用楝根白皮一兩切碎白蘘蕪

五錢俱微炒共為末每以一二錢量兒大小增減白湯

調服次日蟲下○治小兒乾疥濕癬及禿瘡蠅虻瘡浸

淫瘡并一切諸瘡。用棟根白皮搗爛。和猪脂少許。搽之。即愈。治大人疥癬亦可用。

治婦人諸病。因氣滯血不調者。用川棟實一兩。香附便

煮。烏藥砂仁。當歸川芎。白芍藥各二兩。熟地黃四兩。酒

煮。共搗細為丸。每早服三錢。晚服二錢。白湯下。氣痛加

吳茱萸五錢。身盛有熱。加半夏。茯苓。陳皮各一兩。脾胃

不和。時作泄瀉。加白朮。補骨脂各二兩。○治乳癰潰爛

經年。將穿膜者。用土棟實一兩。經霜者佳。雄鼠糞七錢。

露蜂房五錢。俱炒微焦。研細末。每用三錢。食後酒調服。

間日一服。服藥完。痛即止。不數日膿血收斂。外貼長

膏而愈。

槐實味苦氣寒無毒沉也降也入手足陽明兼入足厥陰

經

別錄曰槐生河南平澤蘇氏曰今南北處處有之陳氏曰小枝攢攢垂布如蓋其木不甚高其葉青綠而細有葉大而黑者名懷槐葉書合夜開者名守宮槐李氏曰槐之初生季春五日而花日淡旬而鼠耳更旬而始規再旬而葉成四五月初黃花六七月初結實黑褐作莢如連珠奇數者為勝花未開時狀如粟粒未取煎汁染黃色甚鮮明而美初生嫩葉摘之曬乾可代茶如煉熟水淘過拌油醬可充蔬食謂之槐羹西人好食之折之挿園圃亦可生活禮書以世胃之家門庭多植之雷氏曰入藥用實或葉中奇數者以銅錘捶碎微炒用

○槐實涼大腸潤肝燥之藥也故陳氏方主五痔下血腸

風瀉血赤痢毒血小便尿血崩淋下血及吐血咯血嘔

血唾血或鼻衄齒衄耳衄舌衄又肝熱風燥赤眼腫痛

凡諸燥火動血為患悉宜用之此劑但苦寒純陰如脾

胃虛寒之人。時有泄瀉之證。或陰虛血熱。而見以上諸證。而非實熱者。或外象似同。內因實異者。切宜忌服。
吳梅坡先生曰。槐。感天地陰寒之氣。而兼木水之化。況晝合夜開。是得氣于陰。槐字從鬼。鬼為陰之精。冬取其火。冬亦時之陰。故前古主五內邪熱。氣入血分。入隱僻之地。為涼血要品。血不熱。則陰自足。目疾與痔證。交相愈矣。

○集方治內外痔瘡。用槐角子一斗。搗汁。晒稠。或慢火熬。

楓以苦參數兩。切碎。微炒。研為末。和為丸。梧子大。每服

五十九。白湯下。兼作挺子。納下部。○治五種腸風瀉血。

糞前有血。名外痔。糞後有血。名內痔。大腸不收。名脫肛。

穀道四面，芐肉如碎，如鼠如痔，大者名牛，如鼠頭，
 上有孔，各瘦瘡，內有蟲，名蟲痔，並皆治之。用槐角子去
 梗，四兩炒。地榆、當歸酒洗炒。枳殼麩拌炒。防風、黃芩炒。
 各一兩，為末，酒糊丸。梧子大，每服百五十九，米湯下。○
 治赤痢、毒血，用槐角子四兩，酒洗炒。白芍藥二兩，醋炒。
 木香五錢，焙，共為末，每早服三錢，白湯調下。○治小便
 尿血，用槐角子三錢，車前、茯苓、木通各二錢，甘草七分。
 水煎服。○治婦人崩淋下血，用槐角子八兩，酒洗炒。丹
 參四兩，醋拌炒。香附二兩，童便浸炒，共為末，餠糖為丸。
 梧子大，每早服五錢，米湯下。○治吐血、咯血、唾血、唾血
 或鼻衄、齒衄、舌衄、耳衄，用槐角子八兩，麥門冬去心五

兩用淨水五十大碗煎汁十五碗慢火熬膏每早午晚

各服三大匙白湯過下。○治赤眼腫痛昏暗用槐角子

二兩川黃連五錢白芍藥一兩俱酒洗炒研為末蜜丸

梧子大每晚服百丸白湯下。○治惡瘡腫毒一切癰疽

不問已成未成但焮痛者用槐花微炒胡桃肉湯泡去

皮各一兩無灰酒二碗煎十餘沸隨量熱服未成者二

二服已成者二三服即効。○治痔瘡如桃或行役過勞

或乘驢馬有傷其痔火作腫脹突出寒熱僵臥不能行

動以槐枝濃煎湯洗淨痔上以艾壯如痔頭大灸二七

或七壯漸消

槐花味苦氣寒無毒入手陽明足厥陰經

寇氏曰未開時采收貯陳久者良入藥宜微炒用藥
家以水煮一沸出之其側滓為渣晒乾染色更鮮也

○槐花涼大腸清血熱之藥也張元素方治腸風瀉血濕

熱便紅氣痔酒痔蟲痔脉痔總因濕熱下十大腸血分

必須用之如瀘湖方稱治赤白痢疾往往用此取效亦

其意耳然若寒下降如脾弱胃寒之人宜斟酌行之

○集方治腸風瀉血用槐花炒研細末每服三錢早晚食

前白湯調服或用槐白皮煎湯亦可○治酒毒下血用

槐花炒微焦一兩黑山梔五錢共為末每早食前服二

錢白湯調服○治諸痔出血用槐花二兩地榆蒼朮各

一兩五錢甘草一兩俱微炒研為細末每早晚各食前

服二錢氣痔因勞損中氣人參湯調服酒痔因酒積毒

陳皮乾葛湯調服。瘰癧。因痒而內有蟲動出血者。烏梅湯調服。疥。因勞動有傷。疥。如線者。阿膠湯調服。○治赤白痢疾。用槐花微炒。三錢。白芍藥炒。二錢。枳殼炒。一錢。甘草五分。水煎服。

○槐葉味苦。氣平。無毒。煎湯五氏方。治小兒疥癩。大人齒牙風痛。又濃煎汁飲。治產雜氣隔不下。

○槐枝味苦。氣平。無毒。療大風痿痺。釀酒飲之。治陰囊濕

痒。痔瘡膿血。煎湯洗之。治崩漏暴下血。炒熱腹上熨之。

治疥癬定痒止痛。燒爛煉方。之治齒牙去風殺蟲。止痛。煨

灰搯之。

○槐木皮根白皮俱味苦。氣平。無毒。煎湯洗一切爛瘡。陰

囊濕痒。陰疝核腫諸般痔痿及婦人產門痛癢。又煎汁飲治中風身強不能屈伸。四肢痿痺。腰膝疼痛諸疾。王太和先生曰。槐之一物。分類有六。而治病凡二十。總不外清火散結去風收濕活血五事而已。其花色黃。五瓣。意在斯乎。

樺木皮。味苦。氣寒。無毒。氣味俱薄。降多升少。陰也。入足陽

明經。

陳氏曰。樺木皮形似山桃皮。生遼東及臨洮。河州西北諸地。其木色黃。有小紅斑點。其皮厚而輕。浮柔軟。皮匠家用鐵鐮裏及裏刀。或裏弓。或裏鞍。鞍鞵等物。胡人尤重之。以皮卷油。或作蠟。或作蠟。

○樺木皮散風熱。解癰毒。消五疔。清時行。疏痘瘡之藥也。

本草彙言

八卷九

槐根

樺木皮

六

寇氏云苦寒善降能散鬱熱風毒輕浮柔軟能消乳毒
癰瘍但寒淡清脆之物如脾胃冷弱易于作泄者勿多
服久服。

○集方治

此氏家抄五疸發黃

用樺木皮鈴兒茵陳各等分煎湯作

茶飲

○治肺風毒瘡遍身瘡疥如癩及隱疹癢癢面上

風刺并婦人粉刺用樺木皮枳殼各四兩俱炒焦黑荆

芥穗二兩甘草八錢共為末以杏仁二兩水煮過去皮

研如泥拌入末藥內每服二錢食後白湯調下○治乳

癰初發腫痛結硬欲破一服即瘥以北來真樺木皮燒

存性研末每服三錢無灰酒調下一臥即瘥也○治乳

癰腐爛不收口用舊樺木皮燒灰酒服一錢日一服

秦皮味苦氣寒性瀼無毒沉也降也乃是厥陰少陽經藥

蘇氏曰秦皮出陝西州郡今河陽亦有之其木以樹枝
餘皆青綠葉細如匙虛火不光不作花實皮上有白點
取皮漬水色便青碧作
字色亦青碧者方真

○秦皮斂精收淚息崩止痢之藥也此藥味苦性瀼而堅

能收斂走散之精氣故仲景用白頭翁湯以此治下焦

虛熱而利者取苦以瀼之之意也別錄方止男子精虛

婦人崩帶甄氏方又治小兒驚癇身熱及肝熱目暗翳

膜赤腫風淚不止等疾皆緣肝膽火鬱氣散以致疾以

此澄寒清碧下降之物使濁氣分清散氣收斂故治眼

科退翳膜收淚出治婦人科定血崩止白帶治大方科

止虛痢斂遺精治小兒科安驚癇退變蒸發熱奈時人

僅知治目一節。幾于廢棄。良為可惋。采前賢曾存有之說。特表而錄之。以俟後之君子。聽其取用云。倘脾虛胃寒人。又宜少之。

○集云治傷寒熱利。下重。用秦皮白頭翁川黃連黃蘗各

五錢。水煎服。○治男子精虛自遺。用秦皮山茱萸各一

兩。水煎服。○治婦人赤白帶下。及血崩不止。用秦皮三

兩。丹參二兩。當歸身一兩。俱酒洗。炒研為末。煉蜜丸。梧

桐子大。每早服五錢。白湯下。○治小兒驚癇發熱。及變

蒸發熱。用秦皮茯苓各一錢。甘草五分。燈心廿根。水煎

服。○治肝熱目赤。腫痛翳膜。眵障。或風淚不止。用秦皮

一兩。川黃連三錢。水一升。煮七合。澄清。日日溫洗。○治

血痢連年不愈。用秦皮、薔薇根各等分。水煎服。○治遍身無故生癩瘡。用秦皮一兩。煮汁飲之。服七日漸消。○治風寒濕痺。寒熱洗洗。用秦皮一味。水煎飲。

無食子。味苦。氣溫。無毒。

蘇氏曰。無食子。卽沒石子。生西域沙磧間。樹似柳。西陽雜俎云。出波斯國。土人呼爲摩澤樹。高六七丈。圍八九尺。葉似桃而長。三月開花。白色。花心微紅。子如金彈。食成孔者。入藥最佳。其樹一年生。無食子。次年生。拔屢子。大如指。長三寸。中仁如栗。又方與志云。大食國者。一年生。蒲盧子。圓扁。亦如栗。大寸許。中仁。亦可食。次年生。無食子。彼國呼爲麻茶澤。開歲互生。一樹異產如此。又一統志云。無食子。生大食諸番中。樹如樟。結實如中國芡。雷氏曰。凡使勿犯鐵器。解火驚。用顆小無枚米者。炒以漿水。砂盆研令盡。焙乾。而研如烏嚙。色爲度。

○無食子。澁腸固泄。溫中止痢之藥也。唐本草云。其味苦。

澁其氣溫和其性斂瀉故止久痢氣陷下也暴泄氣欲脫也腸滑

不禁用為要餌推此收瀉溫斂之能故又能烏鬚髮益

精血收陰汗也如痢疾由濕熱鬱于腸胃兼積滯未清

者不宜驟用。

○集方治血痢不止用沒石子一兩為末米糊丸小豆大

每食前米湯下百丸○治大人小兒無故暴泄用沒石

子二兩為末每服二錢人參湯調下小兒減半○治大

人小兒口瘡用沒石子三箇甘草五分共研末摻之如

小兒月內生者以少許塗乳頭上令吮之入口即活不

過三次愈

歡味甘氣平無毒入于少陰是太陰經

農皇經註曰合歡生豫州山谷別錄曰生益州泮水山
谷今牙在山谷亦有根如狗骨樹蘇氏曰餘似梧桐光
直而折枝甚柔弱葉似皂莢細而繁密互相交結每
風來輒自相解懸不相牽五月開花色紅白上有絲其
秋月作莢玉極縹薄紫采皮葉用之不拘時月寇氏又
言合歡花上半邊自下半邊紅為花之異其葉至夜即
合今東西兩京人家種之庭除園池之間雷氏曰修治
取皮刮去粗皮用其葉嫩時煉蒸水淘和酒醬可充蔬
食之

○合歡皮蠲忿忘憂安五藏和心志之藥也如前古云久

服輕身明目令人歡樂無憂得所欲即孔子從心所欲乃甘

溫平補有開達五神消除五志之妙應也又觀其花晝

則開夜則合得天地陰陽啟閉之常不特安五藏亦可

安衛氣晝出于陽夜入于陰更可安營氣之周行經隧

本草彙言

卷九 合歡

三

調和血氣者也。如陰陽營衛血氣咸得安常，則五神之心神、肺魄、肝魂、脾意、腎智亦咸得其和矣。五神既和，安有肝之怒、脾之悲、肺之憂、腎之恐也耶？如是推之，始于天地陰陽開合之得其常，則營衛出入自和，營衛出入既和，則血氣經隧自調，血氣經隧既調，則五神自安，五神既安，則五情亦無復妄動，五情不復妄動，故令人歡樂無憂，得其所欲，而翩翩自適，若神仙人矣。故云：「服輕身，輕身非飛昇之謂歟。」

前賢張潔古老人曰：「土爲萬物之母，心爲君主之官，脾土虛則五藏不安，心氣躁急則神明內亂，而遇事拂鬱而多憂。此藥味甘氣平，主益脾土，脾實則五藏自安，味

甘氣平。主和緩心氣。心氣和緩，則神明自暢，而歡樂無憂。神明暢達，則覺照圓通，所欲咸遂矣。如俗語云：萱草忘憂，合歡蠲忿。正二藥之謂歟。又大氏方主消癰疽，續筋骨者，皆取其能補心脾、生血脈之功耳。

前賢朱丹溪老人曰：合歡屬土，與火補陰之功甚捷。古云：散癰疽，長肌肉，續筋骨之功，槩可見矣。又與白蠟同入膏藥中，用極神效。而外科良工，未曾錄用，何也。

○集方治心虛有熱。天王補心丸。○治肺虛有熱。四君子湯。○治脾虛有熱。歸脾丸。○治肝虛有熱。鼈甲丸。○治腎虛有熱。六味地黃丸。五方俱倍用合歡木皮酒洗炒加入。○治外科癰瘍證未潰可消，已潰可斂。隨證隨方。

俱可加合歡木皮作煎作散作丸作藥酒咸宜用之。○
治肺癰唾濁心胸甲錯取合歡皮一掌大水二升煎取
一升分作二服。○治撲損骨折用合歡樹皮去粗皮炒
黃色四兩芥菜子炒一兩共研爲末每服二錢溫酒臥
時煎服以滓敷患處接骨神効。

○合歡枝治中風攣縮和桑枝各等分浸酒飲。

○合歡子治疝氣和橘核茴香各等分水煎服。

皂莢味辛鹹氣溫有小毒氣味俱厚浮而散陽也入足厥

陰手太陰陽明經

別錄曰皂莢生雍州山谷蘇氏曰今所在皆有似槐而多刺者為勝樹極高大李氏曰葉似槐瘦長而尖枝間多刺頭高細花黃色絲質有三種一種短小形似猪牙一種細長瘦薄枯燥而不粘毛一種長大形似猪牙一種如入藥取猪牙者作其樹多刺難于采取用竹篾纏樹本其葉過夜盡落亦一異也有不結實者將樹本繫一大孔入生鐵屑三五觔外用泥封孔只次年即結莢且吸倍有人以鐵錫匙皂莢結即自損或以鐵碾碾之碾即成孔或以鐵錫鑿之錫即成孔自落豈皂莢與鐵有感召之情耶雷氏曰修治取赤色肥厚如猪牙不蛀者新汲水浸一宿銅刀刮去粗皮搥去无并乾之乾用者惟堪作末或蒸膏切勿煎汁為妙

一莢利氣透竅驅風行痰消穀食之藥也性性猛急故氣透竅一吸而通巢氏論治中風口噤人事不明或

鬼壓卒死癰癩痰結或升降隔絕氣塞喘急或頭風頭

痛淚出目眼以上諸證皆由氣竅不通不利爲痰爲結
爲風爲癰之故此藥宜壅導滯有斬關奪路之功如九
竅不通腸胃壅閉痰涎垢膩氣結暴病用之立時奏效
如中氣虛弱不能運痰以致痰涎不利或陰虛火炎煎
熬津液以致結而爲痰或虛極生風風虛內攻以致猝
然仆蹶世人多以稀涎散吐之損其中氣竭其津液津
液愈耗則經絡無以榮養輕則爲拘攣偏廢之疾重則
甦而復蹶終致不起者多矣用者當斟酌可否以行之

貴乎得其宜耳

○集方治氣道不利升降不周爲脹爲滿用猪牙皂莢一
錢去皮弦子炒於白朮茯苓各一兩炒木香五錢不見

火共爲末煉蜜丸每服二錢米湯下。○治諸竅不通。因

氣因痰因風因火暴病閉塞者用猪牙皂莢製法如前爲細

末吹入鼻內卽通。○治風癩疥癬或皮膚麻木死肌風

痺頑皮等證用大皂莢二十條去皮子弦切碎水十五

碗熬成稠膏每日用少許搽患處再以十茶匙桐杞子

湯調服內服外搽藥完卽愈。○治胸中一切痰結不行

用皂莢三十挺製法如前清水五升浸一夜煎汁半升如稠

濾出渣用半夏八兩醋煮熟晒乾生明礬三錢共爲細

末和入皂莢膏內搗勻爲丸如梧桐子大每服三錢柿

餅湯下。○治大人小兒多食穀麥糖豆諸物不消用皂

莢末三錢枳實一兩白朮五錢俱炒研爲末生薑湯調

服三錢。小兒減半。○治中風口噤不開。涎潮壅上。用皂

莢為極細末。每服一錢。白湯調下。氣壯者。二錢。以吐出

風涎為度。或用數分。吹入鼻內。取嚏亦可。○治中風口

喎。用皂莢五兩。為極細末。用米醋和之。左喎塗右。右喎

塗左。如乾取落。再用米醋調濕。更上之。○治鬼魘。不省

用皂莢為細末。吹入鼻內即甦。○治自縊將絕。以皂莢

末吹鼻中。取嚏即甦。○治癩癩風痰。取痰如神。用大皂

莢八兩。去皮并子。以蜜四兩。塗之。慢火炙透。搗碎。以熱

水浸一時。慢火熬成膏。入麝香少許。攪勻。攤在夾綿紙

上。晒乾。剪作銅錢樣片子。每用三四片。入白湯一盞。淋

洗。以筆管取膏湯。吸入鼻內。待痰涎流盡即愈。○治升

全居士選前六

降隔絕氣逆喘急有痰唾濁不得臥用長皂莢三條去
皮弦子一莢用巴豆肉五顆麻油浸一夜一莢用生牛
夏十顆生薑汁浸一夜一莢用杏仁十顆礬水浸一夜
俱各包藏皂莢內用線紮住一總再以蜜湯浸一夜次
日放大碗內浮湯上蒸三炷香取起出巴豆半夏杏仁
俱研極細再將皂莢肉晒乾微炒亦研極細總和一處
每用末藥一分五釐臨臥以生薑湯調下立効此方氣
實痰結不通者可用元虛者當斟酌行之亦可治水腫
臃脹○治頭風頭痛暴發欲死用長皂莢一挺去皮弦
子切碎蜜水拌微炒研爲極細末每用一二釐吹入鼻
內取嚏再用一分以當歸川芎各一錢煎湯調下○治

楊梅結毒。蛙疔。用皂莢為末。配鍾乳石。白垺蠶。真珠。象

牙。各五錢。加牛黃。冰片。各八分。共研極細末。每服三分。

人參湯調下。○治癰疽便毒。用長皂角一條。醋熬膏。敷

之屢效。○治二便關格不通。用皂莢燒研為末。米湯調

下三錢。○治風蟲牙痛。用猪牙皂莢。角燒鹽。各等分。為

末。日搽之。○治便毒腫痛。用皂莢炒焦。真鉛粉炒。共為

末。以熱醋調攤紙上。貼患處。頻頻以溫湯潤之。○治婦

人吹乳。用猪牙皂莢。去皮為末。和蛤粉少許。拌勻。用熱

酒調服。一錢五分。○治小兒頭瘡。粘肥臭穢。及白禿瘡。

用皂莢燒黑為末。洗去痂。敷之。不過三次即愈。○治中

風昏昏如醉。形體不收。或倒或不倒。或口角流涎。斯須

不治。便成危篤。此證風涎潮于上。胸痺不通。急宜吐之。
用大皂莢肥實不蛀者。四挺。去黑皮。白禁明者一兩。共
爲末。每用五分。重者八分。溫湯調灌下。不大嘔吐。只是
微微出稀冷涎。或出一升二升。當待醒甦。乃用他藥調
治。然不可大吐。恐過劑傷人。此方屢効。

皂莢子。味辛甘。氣溫無毒。

寇氏曰。皂莢子。器在殼去赤皮。以湯泡軟。煮熟。可拌糖食。

○皂莢子、疎導五藏壅氣。祛風潤燥。利寇氏垢之藥也。

○集方治年久癩癧。用皂莢子一百枚。米醋一升。煮乾。再

炒鬆酥看癰子多少。有一箇服一枚。十箇服十枚。細嚼米湯下。酒浸煮服亦可。○治腰脚痛風不能履地。取皂莢子一千二百箇。洗淨。微炒燥。爲末。蜜丸。梧子大。每空心服百丸。白湯下。此方兼治風癩病人。大便秘。脚氣病人。大便秘。咸宜服之。○治下痢積滯不止。諸藥不効者。醫方摘要用皂莢子炒燥爲末。米糊丸。梧子大。每服百丸。茶下。用三服。宿垢去盡。卽變黃色。屢効。○治腸風下血。用皂莢子。槐實各一兩。用糯米糠拌炒。俟焦。揀去糠。取皂莢子。槐實二件爲末。每空心服二錢。白湯調下。○治瘡癩可預免。每年六月六日照年歲。一歲一粒。吞皂莢子。白湯吞下。如年大者。以二十一粒爲率。不拘大小人皆可用。

皂莢刺，味辛，氣溫，無毒。

沈氏曰：皂莢刺宜用頭刺，極尖銳者，能刺下節，如枝硬者，力薄不及也。

○皂莢刺，拔毒祛風，攻走血脈之藥也。故丹溪翁言能引

諸藥直達病所，至癰疽根處甚捷。凡癰疽未成者，能引

之以消散，將破者，能引之以出頭，已潰者，能引之以行

膿于瘍毒藥中，為第一要劑。又泄血中風熱，風毒故腐

風藥中，亦推此藥為開導前鋒也。

姚繼元先生曰：皂莢刺性銳力利，治癰風癩疾，遍身疙

瘩，甚則鼻塌眉落，指節折裂，筋痿骨摧，肉爛血凝，皮膚腐

生蟲之證，併一切風癬風瘡，搔癢風屑，與苦參同用，其

力更倍。

○集方治癰疽惡毒外發內發欲破未破在四肢肩背肚

腹之外者則痛極大腫在胸膈腰脇肚腹腸胃之內者

則痛極大脹用皂莢刺飛尖一兩乳香沒藥當歸川芎

甘草各二錢白芷花粉金銀花各五錢水酒各二碗煎

一碗半毒在上食後服毒在中半飽服毒在下空心服

未成可消已成即潰在外者膿血從皮肉出在內者膿

血從大便出三劑見效○治大風癩瘡體廢肢損形殘

貌變者用皂莢刺飛尖一觔微炒研為極細末赤鯁蛇

一條切碎酒煮去骨取肉焙胡麻仁三兩生半夏二兩

真鉛粉一兩俱炒燥研為末和皂莢刺末一總水發為

丸如棗豆大晒乾入淨磁瓶內每早晚各服三錢白湯

下○治小兒重舌用皂莢刺灰入朴硝湯半冰片少許
 苦茶漱口。摻藥舌下。涎出自消。○治產後乳汁不行乳
 房腫脹或腹下腫脹欲成癰毒者用皂莢刺蔓荊子各
 等分炒焦為細末每服三錢白酒調服三服立消

櫻櫚皮味苦澁氣平無毒

其子主治同

○嶺南李氏曰櫻櫚樹出嶺南川廣山谷中今江南
 兩浙八閩亦有之最難長初生葉如白及葉高二三尺
 大如扇其尖上聳四散岐裂其莖三稜四時不凋其幹
 正直無枝近葉處有皮裹之筋長一層即為一節幹身
 赤黑其木皆筋絡柔結而韌宜為鐘杵亦可作盤碗器
 物其皮有絲毛如縱如織割取縷解可織衣帽薦褥椅
 坐之屬大為時用每歲必兩三割之否則閉闕而死或
 不長也三月間于樹頂葉中出數黃苞苞中有細子乃
 花之孕也狀如魚子謂之櫻櫚新長出苞則成花穗黃
 白色結實纍纍夫如豆生黃熟黑其堅實其葉連莖割
 本草叢言 八卷九 皂莢刺 櫻櫚皮

取炙乾黃水中浸一夜絲絲血解如織
其聖劑去穢莖之如藥類用河逐蠅效

○櫻櫚皮澁腸收痢止血定崩之藥也宋嘉祐大治崩中

帶上腸風血痢血泄或吐血鼻紅一時暴發不止用此

燒灰存性為細末白湯調服數錢取其血得熱則行得

黑灰則止之意繆氏曰凡失血過多內無瘀滯者以此

止澁切當其用所謂澁可去脫是也與髮灰同入更良

如血病瘀滯方動或崩中惡露未盡或濕熱下痢初起

腸風帶下方熾悉不宜遽用卽用之亦無效也

肥皂莢。味辛。氣溫。無毒。

李氏曰：肥皂莢生大山中，其樹高大，葉如楸，及皂莢葉。五六月開白花，結莢長三四寸，狀如雲實之莢，而肥厚。多肉，內有核數顆，大如指頭，不甜正，其色黑如漆，而甚。堅，中有白仁如粟，煨熟可食，其核亦可種。十月采莢，煮熟，搗爛，和白酒及諸香，作丸，澡身而擦之，去垢除積，相感。志云：肥皂莢泡，水能死金魚，又辟馬蟻。此物性熱耳。

○肥皂莢，宋人言能滑腸去垢，消積止痢之藥也。其形與皂莢同類，而肉皮肥厚，故曰肥皂莢也。觀其澡浣身而擦去油膩穢垢，不潔之物，則知其滑而去滯，能消積止痢之意，明然矣。但質性滑利，而氣臭焦腐，聞之令人作嘔，雖炒製得宜，終不免于損胃，如胃弱少食不食之疾，宜忌用之。

陳六奇先生曰：治人不得已，慮禍輕生，卒飲鹽瀉，速宰。

活羊以熱血灌之。羊血下咽。滷盡收入血內。卽以肥皂
莢去核。并弦皮搗爛。以溫湯調灌。少頃卽吐。滷味并隨
羊血盡出。不損腸胃。

○集方治下痢噤口。用肥皂莢一枚。以鹽實其內。燒存性。

去鹽爲末。以少許入白米粥內。食之卽効。○治風虛牙

腫。或因腎虛。或因涼藥擦牙。致腫并痛者。用獨核肥皂

莢。以青鹽實之。鹽泥封固。火燒存性。共鹽研末。輕擦齒

間。○治大人小兒頭耳諸瘡。并眉瘡癢癬。或曠窩等瘡。

用肥皂莢一箇。去核。生明礬一錢。內入鹽泥固封。火煨

存性。共礬研末。香油調搽。○治辣梨頭瘡。用獨核肥皂

莢去核。填入沙糖。令滿。紮定。鹽泥封固。火燒存性。去泥

加輕粉樟腦各二錢研末先以灰湯洗頭拭乾以香油調藥搽之不過二三次愈○治便毒初起以肥皂莢去核搗成膏敷之即消○治玉莖濕癢用肥皂莢火燒存性研細末香油調搽○治綿花瘡毒不收用肥皂莢連核火燒存性為末每服二錢侵晨白湯調服。

無患子味苦辛氣平有小毒。

李氏曰無患子生深山中樹極高大枝葉皆如椿特其葉對生為異五六月開白花結實大如彈丸若川練子生青熟黃老則文皺實中核黑如肥皂莢之核正圓如珠殼中有仁如榛子仁亦辛辛可炒食十月采實去核煮熟搗和麥熟作漆垢藥潔洗身面同于肥皂莢也寇氏曰今釋子取核貫作念珠初用紫黑用久則光黑如漆也。

○無患子肉也搗爛滾湯調稠糊。搽面黥雀斑。搗汁

和白湯服。治喉痺。開咽竅。

○無患子核。燒之辟邪惡氣。散瘟瘴。逐飛尸。俱出藏器陳氏方中

變華木。味苦。氣寒。無毒。葉主治同

別錄曰。藥華生漢中川谷。此樹葉似木槿而薄。花細黃似槐而稍大。結子似酸漿。其殼中有仁。如熟豌豆。圓黑堅硬。堪為數珠。五六月作花。可收以染黃色。甚鮮明。蘇氏曰。今南方及江浙。闕闕間。或有植之。其用為念珠。未

見入藥。

○藥華花煎水可洗目。熱赤爛。或腫痛淚出。

訶黎勒味苦酸。瀋氣溫。無毒。味厚。陰也。降也。

蘇氏曰。訶黎勒出波斯國。今嶺南廣州亦有之。樹似大

樽。開白色花。作實如椀子。極脆狀。色青黃。皮與肉相

比。入口熟。其六稜肉厚者佳。雷氏曰。入藥勿用毗黎勒

筒。箇毗頭者是也。若訶黎勒實。其有六稜或稜多稜少

者。俱是雜路勒。圓而文露。或十二三稜。號椰精勒。味瀋

不堪用。修治用酒浸半日。酒濕草紙包。煨片刻。入石臼

內搗細肉。核一總用。

○訶黎勒。泄腸止痢之藥也。味木苦。瀋。苦能泄滯。瀋能斂

脫。故唐本草主心腹冷氣。咳嗽脹滿。此取苦以洩滯也。

蕭元亮止赤白下利。腸澼久泄。此取瀋以斂脫也。如甄

氏方用以止水道不禁。蘇氏方用以療腸風瀉血帶下。白淫亦不外此收瀋固脫之意耳。但其氣性溫而不涼。斂而不散。如泄瀉痢疾。因于濕熱。腸紅帶下。因于鬱火。

咳嗽因于火逆衝止小便不禁因于腎熱頻數者咸宜忌之。

○集方治心腹冷氣逆脹滿用訶黎勒三箇酒潤草紙

裏煨熟肉與核共搗細砂仁五錢白芥子四錢白豆仁

三錢共研末水發為丸黍米大每早晚各服二錢燈心

湯下。○治咳嗽氣虛散不止者用訶黎勒三箇製法同前北

五味子川貝母各三錢杏仁霜一錢真阿膠五錢蛤粉

拌炒成珠共為細末每早晚各服二錢白湯調下。○治

赤白痢久不止用訶黎勒三箇製法同前白芍藥五錢醋

炒甘草炒共為末每早服三錢白湯調下。○治腸澼久

泄血米用訶黎勒五箇製法同前白朮蓮肉白芍藥各五錢

甘草三錢俱用米醋拌炒共為末每早食前服三錢白

湯下。○治小水頻行不禁用訶黎勒三箇製法同前益智子

山茱萸肉山藥茯苓各五錢分作十劑水煎服。○治瀉

風瀉血用訶黎勒十箇製法同前白芷防風秦艽各一兩俱

微炒研為末米糊丸梧桐子大每早晚各服三錢白湯

下。○治醫林白帶白淫因虛寒者用訶黎勒十箇製法同前白朮

黃耆當歸杜仲蛇床子北五味子山茱萸肉各二兩俱

炒研為末煉蜜丸梧桐子大每早服三錢白湯下。

○治口瘡經久不愈用訶黎勒五個製法同前配好冰片一分
 共研勻細不時摻入少許口含徐徐嚥下○治老人氣
 虛不能收攝小水頻行緩放即自遺下或涕淚頻來或
 口涎不收用訶黎勒不用煨製取肉時時乾嚼化徐徐
 含嚥諸證即止

治氣虛泄瀉用訶黎勒肉豆蔻俱用麩裹煨人參白朮
 茯苓山藥砂仁藿香陳皮乾薑連肉甘草各一錢加生
 薑二片黑棗二個水煎服○治大人小兒冷熱不調下
 痢赤白或如膿血魚腦裏急後重臍腹疼痛或脫肛下
 墜酒毒便紅並皆治之用訶黎勒煨去核甘草白芍藥
 枳殼白朮肉豆蔻麩裹煨各一錢肉桂八分人參當歸
 各一錢二分木香八分水煎服○藏熱者加黃連一錢
 寒者加便製附子一錢

柳味苦氣寒無毒

李氏曰柳與楊一類二種也。楊葉圓潤而青，枝條危厲，柳葉狹長而綠，枝條長軟。楊枝硬而揚起，故謂之揚柳。枝弱而垂流，故謂之柳。說文云：楊從木易，柳從木卯。者陽也，卯者酉也。觀此則楊與柳各一種也。別矣。又一種蒲柳，乃水楊也。枝勁，可為箭幹。多生河北。又一種水旁，葉粗，微白，木理微赤，可為車轂。今人取其細條，火逼令柔，屈作圓椅、桶箍，即孟子所謂栝槿是也。魯地及河朔尤多。又曰：楊與柳俱從橫，柳則干柳皆生。長、高、數丈，春初生柔黃，即刺黃花。至春暮，葉長成，後花中結細黑子，柔漫而絮如白絨，因風飄飛，著衣帛，絨絮之類，能生蛙絲。入池沼，即化為浮萍。陶朱公言：種柳荒園中，可足柴炭。取其嫩葉，可作茶飲。其絮積多，可捍造皂。片為茵褥，臥之柔軟。體背趨通政。以柳齒齧，進開太師。關上進世廟。

○柳華主散風水清黃疸利小便

○柳絮解惡瘡排潰癰逐膿血

○柳葉解金石淨瘡疥化丹毒

本草綱目 卷八 木部 柳

○柳枝下熱痰止淋瀝定齒痛四種治各少差以清涼解

○集方治風水面腫用柳華煎湯飲之散為用治諸證亦互通

○柳華煎湯飲之三刻○治熱鬱小水不通用柳華煎湯飲之

○治三刻一切熱毒惡瘡用柳絮和鉛粉以麻油調塗○治

灸瘡疼極用柳絮貼之凡一切瘡疼甚亦可定○治一

切惡毒膿血脹痛不潰化用柳絮敷上膿泄毒滅○治

金瘡血出不止用柳絮封之即止○治金石毒發以柳

葉和黑豆氣豆煎湯飲之治惡瘡疥癩瘡奔驟馬疥癩

以柳葉煎湯頻洗漸愈○治丹毒用柳葉煎湯乘熱搗

洗日五六次○治小便白濁以柳葉煎湯代茶飲之○

治痘爛生蛆以嫩柳葉鋪席上臥之蛆蟲盡出葉上○

治風火熱氣閉鬱成痰用柳枝煎湯飲之。治小便淋瀝不清。用柳枝一握甘草三錢煎湯飲之。治齒牙浮痛。用柳枝一握蛇床子五分煎湯汨漱頓止。

檉柳味苦微鹹氣溫無毒浮而升陽也入足陽明手太陰

少陰經。

馬氏曰檉柳又名西河柳南北所在俱有喜生沙地水旁。唐氏曰汴京甚多取皮莖春月雨中折之便生。李氏曰樹高丈餘條小枝弱皮赤如絲枝葉如松至五月下垂如絲一日三起三下總長三五寸一歲三次作花如夢花微紅花氣如烟露軒鄒可愛。

○檉柳涼血分發癩瘡解癩毒之藥也。右云癩瘡即今之瘡疹也。其毒起于肺胃之間發于皮毛之分外因風寒

觸胃之邪。內因風火血熱之鬱。相感爲病。宜苦涼輕散之劑。則出而解。此藥輕清升散。開發瘡毒。如瘡毒內閉不出。或出之甚多。難于解退。或解退後熱發不止。或喘嗽不消。肌肉羸瘦。致成瘡疔瘡勞者。多有之。以此煎湯代茶。日飲。瘡疹諸疾。漸自消滅矣。與桔梗甘草牛蒡子同用更善。如開寶方。去驢馬血毒。入人肉。以此煮汁飲之。浸之者。蓋以驢馬性熱。馳後汗氣沾人。有毒。卽能爲病。亦以此解之。卽取輕揚涼散解熱毒。發瘡疹之意。同義也。

○集方治癰癤發不出。或雖發不透。用西河柳一握。石膏知母薄荷荆芥玄參牛蒡子竹葉連翹黃連各一錢。甘

草五分。水煎服。如熱甚毒熾。舌生芒刺。大渴譫語。斑色紫黑者。以西河柳加入三黃石膏湯內亦効。○治酒毒致病。用西河柳取嫩枝葉晒乾。爲末。每服一錢。白湯調下。

水楊枝葉。味苦。氣平。無毒。

蘇氏曰。爾雅稱楊爲蒲柳。其枝勁韌。可爲箭幹。左傳所謂董澤之蒲。今河北沙地多生之。楊柳二種。其類亦多。崔氏云。白楊葉圓。青楊葉長。柳葉長而細。楊葉短而粗。水楊葉似青楊。粗莖亦可作矢。赤楊霜後則葉赤。然今人鮮能分別。又曰。水楊葉圓潤而尖。枝條短。硬。柳葉狹長。枝條長。軟。楊與柳原各別也。

○水楊枝葉。止久痢赤白之積。起痘瘡不發之漿。之藥也。此藥生于涯溪之旁。得水土之陰氣偏多。如赤白久痢。

腸胃有濕熱也。得苦涼之氣，則濕熱清散，痢自止矣。今人又用以治癰腫痘瘡，多效。按魏直心鑑云：痘瘡數日頂陷，漿滯不行，或氣滯血瀦，或風寒外阻，腠理閉密者，宜用水楊枝葉五觔，流水一大釜，煎湯溫浴之。如冷添湯，以軟帛拭乾兒身，良久照見纍起，有暈絲者，漿行也。如不滿，再浴之。力弱而不堪浴者，只洗頭而手足亦可。但此藥浴之，令暖氣透達，和暢鬱蒸，氣血通徹，每隨暖氣而發行，漿貫頂，功非淺也。若內服補氣血藥，藉此升之，其效更速。如風寒外阻者，自開血氣內鬱者，自通誠有變理之妙也。如屢浴頂不起者，氣血頹敗，不必再浴。如始出卽癢塌者，亦不必浴，浴之無益也。

○根皮消乳癰。定金瘡苦痛之藥也。按永類鈴方云。一人治乳癰。以水楊根皮搗爛敷癰上。其熱如火。再敷遂平。又肘後方。用柳根皮敷乳癰亦効。又千金方。治金瘡大痛不可忍。用水楊木白皮或根皮切碎焙燥爲末。白湯調服方寸匕。日三次兼敷之。

白楊味苦氣寒無毒。枝葉主治同。

寇氏曰。白楊木肌似楊而微白。故曰白楊。處處有之。西北尤多。植墟墓間。其枝插土即長。易于繁茂。木甚高大。葉圓如梨而肥厚。有尖。面色青而光。背色白。而邊有鋸齒。風發至葉。如大雨聲。木肌細白。性堅直。用爲梁拱。終不糾曲。嫩葉味甘可收。荒老葉亦可作酒炮料。

○白楊木皮去風痺消脚氣活瘀血之藥也。唐本草治風毒脚氣四肢緩弱不隨并風毒遊易在皮膚中。左右上

下痛無定處。又陳氏方治撲損瘀血并折傷血瀝在骨
 肉間痛不可忍。及手足皮膚風痛。遊走移易。每用六兩
 以好酒浸七日。早晚隨量飲之。又獨味水煎。止孕婦赤
 白痢疾。又醋煎漱牙痛。汨口瘡。此涼降清虛之物。如胃
 寒者宜少餌之。

續補方

姜用 峯傳一

治無病人。遍身風麻癢癢。或結風塊。時癢時痛。
 遊走不常。用白楊葉八兩。白朮四兩。黑棗四兩。浸酒飲
 自退。

蕪荑味辛。氣平。無毒。

別錄曰。蕪荑生晉山川谷。陶氏曰。今出高麗及波斯諸夷。馬氏又言出河東。河西及太原。今近地亦有。以太原者佳。其氣臭如狐狀。如榆莢而稍大。如小者。是榆莢非蕪荑也。志氏言可作醬。甚香美。此指榆莢而言。蕪荑氣極狃。臭安可作醬食乎。

○蕪荑殺三蟲。散五疳。治小兒百病之藥也。王嘉生書前古諸書主

諸積冷。氣膈。胃蟲。癖。食癥。血痞。及皮膚骨節中風毒。諸

疾。緣其氣臭。辛狃難聞。性專走逐。故諸滯成疾。食積蟲

血皆可蕩化。凡諸疳羸瘦。結氣發熱。疳勞。疳脹。疳痢。疳

積。嗜食與不能食。咸宜服之。中病即止。如久服多服。不

免有傷胃氣。司業者當自量之。

○集方治諸積冷。氣用蕪荑一兩。炒。大茴香。木香各五錢。

○共為末。紅麴打糊為丸。梧桐子大。每早服三錢。白湯下。

○治腸胃有蟲癰。食癥血痞。因平時嗜食肥甘酒飲。以

致敗血留痰。結成蟲類。為鼈瘕。其發作時。或上行咽胃。

下行臍腹。或附脇背。或隱胸次。大則如鼈。小則如錢。攻

作耕痛。痛必垂死。惟用蕪荑一兩。酒炒。當歸砂仁。人參

各一錢。水煎服。乃可殺滅。若徒事雷丸錫灰。史君子之

類無益也。○治結陰下血。用臭蕪荑二兩。搗爛。紙壓去

油。甘草五錢。炒。共為末。以猪膽汁少許。調濕晒乾。大麥

麵打糊丸。梧桐子大。每早服三錢。白湯下。○治小兒蟲

積。上攻勢狀危惡。與痢相似。用臭蕪荑炒。乾漆燒存性。

各等分。為末。每服五分。米湯調下。

榆味甘。氣寒。性滑利。無毒。入手足太陽。手陽明經。

別錄曰。榆樹生穎川山谷。李氏曰。今處處有之。有十數

種。不能盡別。惟知英榆。白榆。刺榆。柳榆。數者而已。英榆

白榆。皆大榆也。有赤白二種。白者名份。其木甚高。火。未

生。葉時。枝條間。先生榆莢。形狀似錢而小。色白成串。俗

呼榆錢。後方生葉。似山茱萸葉。而長。尖峭。潤澤。嫩葉。煉

浸。淘過。和油。蟠食。可作蔬。故內則云。董。豈。粉。榆。栗。葉。修

瀹。以。滑。之。三。月。采。榆。錢。亦。可。作。羹。或。淪。過。晒。乾。可。為。醬。

或。生。收。晒。乾。收。貯。至。冬。可。釀。酒。又。山。榆。之。莢。各。蕪。蕪。與

此。相。近。但。味。稍。苦。諸。榆。皆。弱。地。故。其。地。下。五。穀。者。不

植。榆。今。人。采。其。白。皮。為。榆。麩。荒。蕪。煮。糊。可。充。饑。水。調。和

香。劑。極。粘。固。勝。于。膠。漆。陶。中。人。取。榆。皮。濕

搗。如。糊。明。帶。嬰。波。瓦。石。器。極。牢。樹。有。力。

○榆皮利。痰。脉。通。二。便。止。五。淋。消。癰。腫。之。藥。也。十。劑。云。滑

可。去。着。冬。葵。子。榆。白。皮。是。也。如。二。便。秘。結。不。通。小。便。淋

濁。澀。痛。或。腫。滿。喘。嗽。或。妬。乳。腫。癰。或。丹。石。留。毒。或。胎。滯

難。生。諸。證。以。此。通。利。流。滑。下。降。之。性。一。切。腸。胃。中。火。滯。

氣滯痰滯諸有形之物。咸可奏功。別錄。伏氏兩書言之。詳矣。若胃寒而虛弱者。非滲利滑降所宜。如前古謂久服輕身不饑。多食能益胃者。恐非確論也。

○集方治大小二便不通。用榆白皮煮濃汁飲之。○治五

淋澁痛白濁白淫。用榆白皮陰乾焙研細末。每用以水

五合。煮如稠糊。日二服。○治一切癰腫諸毒發背。用榆

白皮切細。搗極爛。以香油調敷毒上。隔頂。一日一換。即

消散。○治身體暴腫。用榆白皮搗末。同米作和食之。良

○治久嗽欲死。用厚榆白皮削如指大。長寸許。納喉中。

吸其味。頻用。當吐膿血而愈。或煮膿汁飲亦可。○治丹

石毒發。用榆白皮和菘豆各半。煮水飲之。○治五色遊

風紅腫犯者多死以榆白皮為末雞子白和塗之。○治

胎孕月足不產用榆白皮焙為細末臨月白湯調服日

三次臨盆易產。○治大人小兒身首生瘡有蟲者用榆

白皮為末和白糖猪脂調塗帛上覆瘡上蟲出立愈。○

治小兒禿瘡用榆白皮末和糖醋調塗蟲出自愈。

櫟味苦氣寒無毒。

蘇氏曰櫟榆類所在皆有。多生溪澗水旁。葉似櫟而狹
長似柳非柳似槐非槐皮極粗厚木高有數仞連抱二
三人。湖南北甚多。然亦不材也。不堪為器。其嫩皮取以
緣袴花及箕籬篋篋口。又鄭樵通志云。櫟似榆其結實
亦如榆錢。鄉人采其
葉焙乾作飲為甜茶。

○櫟木解熱毒淨痢疾散水氣安胎妊腹痛之藥也。緣此

○米。生發易大得春升清陽之氣其性寒平。故別錄方治時行頭痛熱結在腸胃。隱居方夏月煎飲辟暑去熱大氏方治風燄熱毒腫痛等證。悉屬熱病宜此木煎飲之。如胃寒脾冷不食者勿用也。

蘇方木味甘鹹。氣平。無毒。可升可降。陽中陰。足厥陰。

兼入手少陰。足陽明經。

蘇氏曰蘇方木自南海崑崙來。今交州愛州亦有之。樹似青槐。材似赤降。中心有橫紋。似紫角者。名木中尊。力力倍嘗有効。夏月作花。黃色。結子生青熟黑。以木剉細搗爛。水煎。注加白替些。須用染紅色。名木紅。如見鐵器則色黯不鮮。見天雨水。則色淡白。不紅。暹羅國人。藥如薪。

○蘇方木活瘀血逐死血之藥也。太氏方主婦人血氣阻

滯。心腹攪痛。或惡露不行。上攻欲嘔。或月水不調。適來

適斷。或血風內壅。口噤不言。凡產後血閉不通。血脹血

暈。悶絕欲死。水煮五兩。服之立安。故唐本草著之詳矣。

又跌撲內損。瘀血痛脹。或癰毒釀膿。疼痛不止。凡屬形

傷。血敗之證。故海上方必資其為首務焉。但入血分行

痰逐滯。每稱捷藥。實為血劑。損劑。善行而不能止者也。如產後惡露已盡。諸痛由血虛者。不宜加用。

○集方治婦人血氣阻滯。心腹攪痛。惡露不行。上攻欲嘔。

用蘇方木五錢。搗細。當歸川芎白朮乾薑玄胡索五靈

脂木香香附烏藥俱酒炒。桃仁研。乳香沒藥各一錢。益

母草三錢。水煎服。○治婦人月水不調。適來適斷。寒熱

腹脹。惡心煩悶。用蘇方木五錢。搗細。柴胡牡丹皮續斷

半夏當歸川芎厚樸丹參黃芩白芷三稜陳皮香附澤

蘭俱酒炒。水煎服。○治血風口噤。不能言語。用蘇方木

五錢。搗細。防風玉竹各三錢。當歸川芎秦艽各一錢。五

水煎服。○治產後血暈血脹。用蘇方木三兩。搗細。水

五升煎取二升徐徐服。○治產後氣喘面黑欲死乃血入肺也。用蘇方木二兩搗細。桃仁研防風各一兩人參五錢水三碗煎一碗徐徐服。○治破傷風牙關緊閉身體反張。用蘇方木爲極細末每服三錢酒調服。○治偏墜疝氣腫痛。用蘇方木二兩搗細好酒一壺蒸減小半頻頻飲。○治金瘡指斷折及刀斧傷。用蘇方木爲極細末敷之外用羊絨條包縛完固數日復舊。

烏相木味苦氣溫有毒性沉而降陽中陰也入手足陽明經。

蘇氏曰烏柏木生南方平澤今江西閩浙甚多樹高丈許葉似杏但微薄而綠色少淡五月開花白色黃白結子皮先月熟初青後黑采子蒸煮取油澆燭然燈極明朽老則根下黑爛成白故得此名

○烏柏木行水氣積聚通大小二便之藥也李氏三取根

白皮能利水通腸功勝大戟故唐本草主水氣停蓄氣

促喘脹遍身浮腫二便不通諸證勢甚危篤者以根皮

二三寸水二碗煎半碗服之立通二便水氣行而喘腫

自消退矣倘不因水蓄氣聚而因脾虛不能制化水源

以致泛濫者當補脾實土為急然必用蒼白木茯苓陳

此藥不可輕用如果元氣壯實亦須暫用一二劑病已

即止。

巴豆味辛。欬。氣熱。有大毒。味薄。氣厚。降也。陽中陰也。入手

足陽明經。

別錄曰。巴豆生巴郡川谷。蘇氏曰。今嘉州眉州戎州皆有之。木高一二丈。葉如櫻桃而厚大。初生青色。後漸乾。黃。季冬漸凋。仲春即發。仲夏舊葉落盡。新葉復生。即開花。成穗。色微黃。五六月結實。作房。七八月成熟。漸漸自落。外殼如白荳蔻。一房二瓣。一瓣一子。或三子。子如游松子。子亦有殼。獨戎州出者。殼上有縱紋。隱起如線。或一道。二道。三道。不等。土人呼為金線。巴豆最稱上品。他處罕有。八月采。去內外殼。取仁。酒炙一次。研膏用。有法。殼取肉。生研如膏。以紙包。歷去油者。謂之巴豆霜。中其毒者。以冷水噴連。大豆泔解之。

○巴豆。祛蕩藏府。開通閉塞之藥也。左氏曰。此劑味甚辛。

蘇氣甚熱。烈性甚剛。猛攻關板。固功過牽黃。摧滯逐實。力淨硝戟。追逐一切有形。留者久頑不遜之疾。如留飲。痰癖。死血。敗膿。蠱毒。飛尸。鬼疰。休息。結痢。寒痰。哮喘。及

決切生冷。魚鱗油膩。水果積聚。蟲積。或水腫。大腹。寒疝。死胎。痞結。痰癢。諸證。下咽卽行。苟非氣壯力強之人。不可輕用。張氏曰。如不審而妄用。耗却天真。使人津液枯竭。胸熱口燥。留毒不去。他病轉生。則巴豆之爲害。昭昭矣。然而更有未盡者。此藥稟火烈之氣。沾入肌肉。無不灼爛。試以少許。輕擦完好之膚。須臾卽發一泡。必至腫爛。或瘡。况腸胃柔脆之質。下咽則徐徐而走。且無論下後。耗損天真。而府藏被其熏灼。能免無潰爛之患耶。凡一槩湯散丸劑。切勿輕投。卽有萬不得已之急證。欲借其辛烈。攻衝開通道路之力。必須煮熟。壓令油淨。入釐許卽止。不得多用。如前古有云。巴豆煉熟食之。能益血。

脉悅顏色通神仙此無根怪談不可信從明理之士當自審之。

李蘋湖先生曰巴豆峻用則有戡亂却病之功微用亦有撫綏調中之妙譬之蕭曹絳灌乃勇猛武夫而用之爲相亦能輔治太平王游藏言其可以通腸可以止瀉此發千古之祕也一老婦年六十餘病溏泄已五年肉食油物生冷犯之卽作痛服調脾升提止瀉諸藥入腹則泄反甚延余診之脉沉而滑此乃脾胃久傷冷積凝滯所致王太僕所謂大寒凝內久利溏泄愈而復發綿歷歲年者法當以熱下之則寒去利止遂用蠟墮巴豆丸藥五十九與服二日大便不通亦不利其泄遂愈自

是每用治泄痢積滯諸病。皆不瀉而病瘳者。近百人。妙在配合得宜。藥病相對耳。苟用所不當用。則犯輕用損陰之戒矣。

○集方治留飲痰癖并一切積滯。用巴豆肉十粒。紙裹打

去油。蛤粉一兩。黃藥子炒二兩。共為細末。水發丸。菘豆

大。每用溫湯下五丸。○治腸癰內疽死血敗膿脹悶不

出者。用巴豆肉三粒。製法如前穿山甲五錢。燒焦。米糊丸。如

菘豆大。每服三五丸。酒下。見下膿血即止。○治癰疽潰

後腐肉不落。用巴豆肉搗膏敷上即落。○治一切蠱毒。

用巴豆肉半粒。不去油。研爛。用麻油半盞調服。再隨飲

菘豆湯二碗。俟吐瀉數行。蠱即出。旋飲冷菘豆湯止之。

○治休息結痢愈而頻發用巴豆肉五錢製法如前研末用

熟豬肝為丸如菉豆大空心白湯下三四五六丸量入

虛實多少為數不過三服淨止○治寒痰氣喘用橘皮

一大片裹巴豆肉一粒線紮緊火內燒存性研末濃薑

湯調服○治一切生冷魚麵油膩水菓諸物傷脾成積

用巴豆肉十粒製法如前紅麴一兩草菓仁五錢共為末米

湯和丸如黍米大每早服十九白湯下小兒減半○治

蟲積肚脹好食生米墜土桴炭等物用巴豆肉十粒製法

如前三稜莪朮檳榔白朮各五錢俱炒過共為末砂糖為

丸如黍米大每服五丸白湯吞下弱者三丸○治水臌

腹大動搖水聲皮膚黑色用巴豆肉十粒製法如前杏仁二

十粒，去皮紙裹打去油，和勻紅麴一錢，打稀糊為丸。如黃豆大，每早空心未食時服一九，以利為度。忌鹽味糖味百日。此方并治飛尸鬼疰，中惡心痛腹脹，大小不通，用藥二丸，敲碎，白湯泡化服，當下而愈。量大小老人強弱，增減劑之。○治寒疝，用巴豆肉一分，研細，吳茱萸川練子各一錢，甘草五分，水煎溫服。○治死胎不下，海上方在頃刻用巴豆肉半粒，製法如前，研細，滾水調服。○治痞結癥瘕，用巴豆肉五粒，製法如前，紅麴三兩，炒小麥麩皮一兩，炒俱研為細末，總和為丸，如黍米大，每空心服十丸，白湯下。

續集方，治夏月水瀉不止，用巴豆一粒，針頭燒存性，黃

蠟溶化爲丸。白湯吞下。○治乾霍亂。心腹脹痛。不吐。

瀉欲死。用巴豆肉一枚。研爛。溫湯調服。得吐利。即愈。

○治小兒痰喘。用巴豆肉一粒。紙包打去油。綿裹塞鼻。

男左女右。痰即下。○治荷錢癩瘡。用巴豆肉三粒。研碎。

以生絹包擦。日一二次。如神。○治急喉痺。用生薑爲末。

五錢。巴豆肉三粒。同熬滾。去巴豆肉。單用枯礬。研細。

入喉中。流出熱毒涎。喉即寬。○治喉痺垂死。止有餘。

者。用巴豆線穿。內入喉中。即牽出。即甦。○治一切膿瘡。

癩瘡。用巴豆肉五十粒。麻油煎黑。去豆。以油調硫黃。

粉末。頻搽。即効。

治中風痰厥昏迷卒倒不省人事欲絕者用巴豆去殼
紙包槌油去豆不用用紙燃作條送入鼻內或拌牙皂
末尤良或用前紙條燒烟薰入鼻內亦可

大楓子，味辛甘，氣熱，有毒。

李氏曰：大楓子，出淮南諸縣。國按真臘記云：大楓子，大樹之子，狀如椰子，而圓其心，有子數十枚。大如雷，九子中有仁，白色，久則黃，而油不堪入藥。修治：取大楓子，油法，用大楓子三觔，去殼，除黃色，油透者不用，研極爛，磁器盛之，封口，入滾湯中，文火蒸至一日，色黑如膏，各大楓油，可塗風癩癬，瘋瘡疾。

○大楓子肉，搗膏，擦風癩疥癬諸瘡之藥也。此物質潤性

燥，嶺湖方治瘡疥，僅供外塗，能潤皮膚，殺蟲止癢，不堪

服食。粗工迷庸人語，每治大風癩疾，與苦參同用，作丸

服，殊不察此性燥熱劣，有損液閉痰之虞，而傷血分，至

有風癩未愈而先失明者，用之外塗，其功不可沒也。

○集方治疥癬癢癢有蟲，用大楓子，去殼，取肉四十枚，搗

膏，大黃炒，蛇床子炒，樟腦，硫黃各五錢，共研極細末，和

入大楓平肉內。水銀五錢。研入。以不見星點爲度。如乾燥。再加入猪油數錢。共研爲丸。先用熱湯洗淨瘡。後用此藥搽之。○治大風瘡裂。用大楓子。燒存性和麻油。輕粉。研勻敷之。此方亦治楊梅惡瘡。○治風刺鼻赤。用大楓子。肉半箇。木鼈子肉。五箇。輕粉。硫黃。各一錢五分。共爲末。夜夜唾調塗之。

梓味苦。氣寒。無毒。葉主治同

蘇氏曰。按埤雅云。梓為百木長。故呼梓為大。王蓋木類。莫浪于梓。故書以梓材各篇。禮以梓人名匠。朝廷以梓宮名棺也。李氏曰。梓有三種。常用朴素不腐者。今處處皆有之。宮寺人家園亭亦多植之。木似桐而葉小。花紫。雖有三種之分。實非一類也。木理白者為梓。赤者為楸。梓之美。文者為椅。楸之小者為榎。

○梓白皮去熱毒殺三蟲之藥也。大氏方治小兒一切瘡

疥癢癩。取此煎湯洗之。嶺湖方治溫熱時氣頭痛壯熱

取此煮湯飲之。又別錄方搗梓樹葉和猪食中飼養肥

大三倍。且無瘟死之虞。

楸味苦。氣寒。無毒。葉主治同

李氏曰。楸葉大而早落。故謂之楸。榎葉小而早秀。故謂之榎。唐時立秋日。京師人取楸葉剪花戴之。取秋意也。又曰。根有行列莖幹直聳可愛。坐秋垂條如線。其木濕時脆燥則堅。宜作棋盤。即梓之赤者也。

五七 梓 楸

○秋自皮殺諸蟲解諸毒瘡之藥也陳氏方煎膏塗敷一

切惡毒諸瘡及癰腫疽瘦疔瘡痔瘡能除膿血生肌肉

李時珍曰椒為外科要藥而時人少知按古醫書常之

云有人患發背潰爛腸胃可窺百方不瘥一醫用大

朱升時采椒樹葉數斗煎熬膏敷其外內以雲母膏作

小丸服盡四兩不累日而愈也東晉范氏方亦稱椒葉

治瘡腫有暖毒非膿止漏生肌之力

集方治一切毒腫不問硬軟取椒葉十重敷臍上用膏

和裹之曰立易冬月取乾葉藍水浸軟貼之或取根皮

搗爛敷之皆效○治癰癤瘰癧秋分前後摘椒葉十五

斤以水一石淨釜中煎取三斗又換鍋煎取七八升又

換鍋煎取二升乃納不津器中用時時擦瘡上以軟帛裹

之曰一拭更上新藥不過五六次已破者即便生肌未

破者即內消瘡○治癰癤瘰癧不瘥痒痛不止用椒葉頭及

根皮為末敷之○治小兒禿瘡用椒葉搗汁塗之

青桐味甘微苦氣寒無毒

葉土治同

李氏曰桐有青白二種與罌子桐梧桐各別罌子桐子能作油有毒青桐白桐同一種無毒梧桐子可作果食亦無毒三桐各自一種實非同類又一說云白桐即泡桐也葉大徑尺最易生長皮色粗白其木輕虛不生蟲可作器物屋柱二月開花如牽牛花而白色結實如巨棗長十餘釐殼內有子輕虛如榆葉葵實之狀老則裂隨風飄揚青桐即梧桐之無實者又按陳翥制譜分別白桐同桐其明白花桐文理潤而體性畏喜生朝陽之地因子而出者一年可起二三尺由根而出者可四五尺其葉圓大而尖長有角光滑而柔先花後葉花白色心微紅其實大二三寸內為兩房房內有肉肉上有薄片即其子也又紫花桐文理細而體性堅亦生朝陽之地不如白桐易長其葉三角而圓大如白桐色青多毛而不光且硬微赤亦先花後葉花色紫其實亦如白桐而稍尖狀如訶子房中肉黃色二桐皮色皆一但花葉小異體性堅瘦不同爾亦有冬月復花者○寇氏曰桐類有數種農皇經不定指是何桐是難執用但數目各有治法應病不同耳

○青桐木皮化五痔淨五淋療奔豚散脚氣殺三蟲之藥

本草綱目 卷之五 木部 青桐 同

也。治此數證，並宜煮汁飲之。出別錄甄氏肘後三方書中又醫林正

宗云：治癰疽發背，大如盤，腐臭不可近者，用青桐葉醋

浸半日，蒸貼之，退熱出膿，定痛生肉，此極驗秘方也。究

其青桐之性，清虛芳潔，散濁澄清，故淋痔奔豚脚氣癰

蟲之疾，咸得奏其用焉。

梧桐，味苦，氣溫，無毒。

李氏曰：梧桐處處有之。樹似桐而皮青，不蔽其木，無節直生，理細而性繁，葉似桐而稍小，光滑有尖，四只開嫩黃小花，如棗花，枝頭出絲，結莢長二三寸，五片合成，老則裂開如箕，謂之囊鄂，其子綴于囊鄂上，多者五六，少則二三，形如胡椒，其皮皺，又爾雅翼云：梧桐多陰，青皮白骨，似青桐而多子，其木易生，晚春生葉，早秋即凋，古稱鳳凰非梧桐不棲，豈亦食其實乎？詩云：梧桐生矣，于彼朔陽，又齊民要術云：梧桐生山石間，作為樂器，更鳴

也。

梧桐子搗汁。拔去白髮根。塗之。必生黑者。又煎湯汨口。

治小兒口瘡。李蘋湖方

○梧桐葉晒乾為末。蜜調敷發背諸毒。能煞其勢。肘後方

○梧桐木青皮浸水。抵婦人髮鬢。黑潤不燥不蓬而光。蘇氏方

罌子桐味甘微辛有毒。卽油桐也。因其實狀如罌故名。

陳氏曰罌子桐生江南北大山中。南浙尤多。樹如梧桐。早春開淡紅色花。狀如鼓子花。成筒子。子打造油。卽桐油也。李氏曰。同桐。卽白桐之紫花者。油桐枝幹花葉。類同。而樹長稍小。但其實大而圓。每一實中有二子。或四子。如大楓子。其肉白色。味甘。食之能發吐。吐不止。飲熱酒卽解也。人多種。收子打油。及造船諸器。皿中。刊為時所須。人多偽之。試以竹篾作圓。蘸起如鼓面者為真。

○桐子油吐風痰解喉痺去蟲瘡。摩疥癬之藥也。大氏方

又金匱言
梧桐
罌子桐

○治風痰壅塞喉脹不通以油等和水用鵝羽蘸掃喉中。

探吐或以水研末吹入喉中取吐亦可但中病即止不

可多用頻用如多用損耗中氣痰涎轉多為病變重者

有之。

○集方集簡方治腿足風瘡如癩有蟲者用桐子油和人乳各等

分掃數次即愈○治酒皴赤鼻治玄方用桐子油調黃丹雄黃

末敷之○治女人血風麻瘡潰爛如掌大用桐子油調

真鉛粉作隔紙膏貼之○治誤食砒石治危方即刻用桐油半

升灌之得吐毒即解。